

ՀԵՏԱԶՈՏԱԿԱՆ ԱՇԽԱՏԱՆՔ
ԱՇԽԱՐՀԱԳՐՈՒԹՅՈՒՆ

*ԹԵՄԱ՝ Աշխարհագրության ուսուցման նորագույն
մեթոդները և դրանց կիրառման հնարավորությունները*

ԿԱԶՄԵՑ՝ Շուշանիկ Մուրադյան

Կապանի թիվ 12 հիմնական դպրոց

Ղեկավար՝ Մ. Մարտիրոսյան

«Կապանի թիվ 2 ավագ դպրոց» ՊՈԱԿ

Կապան 2023

Բովանդակություն

| | |
|---|-------|
| 1. Ներածություն _____ | 3-4 |
| 2. Աշխարհագրության դասավանդման մեթոդիկա _____ | 5-7 |
| 3. Աշխարհագրության ուսուցման մեթոդների դասակարգումը _____ | 8-12 |
| 4. Եզրակացություն _____ | 13 |
| 5. Գրականության ցանկ _____ | 15 |
| 6. Հավելված 1 _____ | 16-17 |

Ներածություն

<<Մանկավարժական տեխնալոգիան մանկավարժի արվեստն է, նրա հմտությունը, որը թույլ է տալիս նրան փոխել իրավիճակը և դրությունը>>: Վ. Մ. Շեպելը

Աշխարհագրությունը գիտություն է բնության, մարդկության և դրանց հետ կապված օրինաչափությունների մասին: Աշխարհագրությունը նախկինում հայտնաբերող և նկարագրող գիտություն էր և այն անցնելով զարգացման երկար ճանապարհ դարձել է կառուցողական և բացատրողական գիտություն: Աշխարհագրության ուսումնասիրության ոլորտը երկիր մոլորակն է, իսկ առարկան՝ երկրագնդի աշխարհագրական թաղանթը: Աշխարհագրության բնորոշ գծերից մեկն է աշխարհագրական կանխատեսումներ անելը: Օրինակ՝ կանխատեսել, թե ինչ եղանակ է սպասվում: Աշխարհագրությունը աշխարհի իմացության հիմքն է:

Մենք ապրում ենք այնպիսի ժամանակաշրջանում, երբ ասես ամեն ինչ փոխվում է ակնթարթորեն:

Կրթական բարեփոխումներն անխուսափելիորեն առաջ են բերում ուսուցչի ստանձնած դերի փոփոխություն: Այդ փոփոխության գործոնները բազմաթիվ են և, ի վերջո, պայմանավորված են նրանով, որ հասարակական արմատական վերափոխումների հետևանքով որակապես փոխվել է սերունդը՝ նրա մտածողությունը, ձգտումներն ու սպասելիքները, և, ուրեմն, փոխվել են նաև կրթական խնդիրները, դրանց իրականացման պայմանները: Աշակերտը սովորում է ապրելով ու վերապրելով դասի ամբողջ ընթացքը, նրա համար հաճախ ավելի մեծ կարեվորություն ունի ուսուցչի կողմից իրեն գիտելիք մատուցելու ձևը, ուսուցման գործընթացում իր ընդգրկվածության եղանակը, քան բուն գիտելիքն ինքնին: Ինչ: Ինչու: Ինչպես: Յուրաքանչյուր ուսուցիչ մինչև դասարան մտնելն ինքն իրեն հարց է տալիս, թե որն է դասի նպատակը և ինչ պետք է սովորեցնի նա աշակերտին:

Շատ ժամանակ խոսվում են ԽՍՀՄ կրթական համակարգի արդյունավետության մասին, բոլոր նրանք ովքեր ծանոթ են այդ համակարգին գովեստի խոսքեր են ասում, բայց այն արդյունավետ էր այդ ժամանակ և այդ մեթոդներով ներկայումս դասավադելը այդքան էլ արդյունավետ չէ: Պետք է կարողանալ հնի ու նորի համադրմամբ ստեղծել ժամանակակից դասավանդման մեթոդ:¹ Մենք այժմ ապրում ենք տեխնալոգիաներով հարուստ ժամանակաշրջանում, և այն, գնալով ավելի է

¹ Ավագյան Գ. Ե. «Մատենագիտություն», 1959 N 8

զարգանում: Ժամանակակից տեխնալոգիաները պետք է կիրառել դպրոցում, դասավանդման մեթոդիկայում: Զարգացող տեխնալոգիաները սահմանում են նոր պահանջներ: Ժամանակակից տեխնալոգիաների կիրառմամբ պետք է հասնել կրթական համակարգի զարգացմանը: Ողջ աշխարհում այժմ ցանկանում են հասնել որակյալ կրթական համակարգի ստեղծմանը՝ նոր, տեխնալոգիապես հարուստ դասավանդման մեթոդիկայի:

Նպատակին հասնելու համար պետք է

1. Ուսումնասիրել ժամանակակից տեխնալոգիաները և նորագույն մեթոդները
2. Համադրել հին ու նոր մանկավարժական դասավանդման մեթոդիկան / կազմակերպել արշավներ, ինչու չէ, նաև դաս բուխյան գրկում, ինչպես անում էին հույն փիլիսոփաները/
3. Մանկավարժական մեթոդիկական և տեխնալոգիայի կիրառմամբ գրավիչ դարձնել դասաժամը

Այս հետազոտական աշխատանքի նպատակը աշխարհագրության, և ոչ միայն, դասավանդման մեջ նորագուն տեխնալոգիաների կիրառմամբ և մեթոդների կիրառմամբ հասնել հաջողության, որն իր հերթին կառաջացնի սովորելու ցանկություն:

Այստեղ տեղին է մեջբերել *Մախումլինսկու* խոսքերը <<*Կա հաջողություն, կա սովորելու ցանկություն*>>:

ԳԼՈՒԽ 1

1.1 Աշխարհագրության դասավանդման մեթոդիկա

Դպրոցում հաջողության բացակայությունը ոչ թե աշակերտի վատ ընդունակությունների, այլ ուսուցչի կողմից կիրառվող ոչ արդյունավետ մեթոդների կիրառումն է: Մեթոդը նպատակին հասնելու եղանակ է: Այստեղ տեղին է մեջբերել **Նիկոլո Մաքիավելլիի խոսքերը <<Նպատակը արդարացնում է միջոցները>>**:

Դասավանդման ժամանակ ընտրված ուսուցման մեթոդը պետք է հանգեցնի նպատակի իրականացմանը, որին պետք է հասնել ուսուցիչ-աշակերտ փոխկապակցված աշխատանքով: Ուսուցիչը, մտնելով դպրոց, պետք է ունենա գործնական կարողունակություն, կարողանա աշակերտների հետ կազմակերպել հետազոտություններ, կատարի դիտարկումներ:

Ներկայիս հանրակրթական դպրոցի պահանջներն են՝

1. Հետազոտական աշխատանք
2. Լաբորատոր փորձեր
3. Նախագծային աշխատանք

Դասավանդման ժամանակ հաճախ պետք է կատարել գործնական աշխատանք, քանի որ նյութի մատուցումը առանց գործնական աշխատանքի թերի է: Դասավանդման այսպիսի մեթոդով երկու գործողություններ մեկտեղելով նախ առաջացնում ենք հետաքրքրություն աշակերտների մեջ, ապա աշակերտը դասարանում բացատրված դասը կարողանում է կիրառել գործնականում:

Դասավանդման միջոցով նախ աշակերտները ստանում են լիարժեք տեղեկատվություն, ուստի ուսուցչի նպատակը պետք է լինի հասնել նրան, որ այդ տեղեկատվությունը կարողանա կիրառել գործնականում:

ՆՊԱՏԱԿ



Կլիմայի ընդհանուր բնութագիր




նյութի մատուցում

գործնական աշխատանք



ճանաչացնել գործիքներին և օգտագործման
ձևերին

իրականացնել հետազոտություններ



ԱՐԴՅՈՒՆՔ



Դիդակտիկայում կրթության նպատակ է համարվում հասարակության կողմից ընդունված

արժեքային համակարգի ձևավորումն ու դրա արտացոլումը աշակերտի գիտակցության մեջ: Աշխարհագրական կրթության բովանդակությունը աշխարհագրական գիտելիքների, կարողությունների և հմտությունների, աշխարհայացքի, գաղափարաբարոյական արժեքների, իմացական և ստեղծագործական փորձի ամբողջությունն է: Աճող սերնդի համար արժեք պետք է համարվեն բնությունն ու մշակույթը, իրազեկությունն ու մտավոր ակտիվությունը, մարդու արժանապատվությունն ու առողջությունը: Կրթությունն ապահովող կարևոր հիմնարկներից է «դպրոցը, այն կրթադաստիարակչական հաստատություն է: Դպրոցը կոչված է պատրաստել մարդուն ինքնուրույն կյանքի, զինել գիտելիքներով, սովորեցնել նրան ճիշտ վարվելակերպ հասարակական և բնական միջավայրում, զարգացնել նրա մոտ ինքնակրթության և ինքնազարգացման ձգտումը:

Ներկայիս փոփոխությունները ցույց են տալիս որ, եթե ցանկանում ենք ունենալ որակյալ կրթություն չպետք է բավարարվել միայն տեսական գիտելիքներով: Այսօր դպրոցում աշխարհագրության ուսուցման ողջ գործնաբան գնում է դեպի սովորողի գործնական կարողությունների ձևավորմանը, աշակերտներին պատրաստել սոցիալական կյանքին: Եթե ուսուցիչը ճիշտ մեթոդաբանությամբ մոտենա տեսական և գործնական կարողությունների ձևավորմանը, ապա մենք բազմակողմանի կներկայացնենք աշխարհագրական գիտելիքը աշակերտին:

Այսպիսով «ուսուցման մեթոդ» հասկացության բնորոշ հատկանիշներն են՝ նպատակը, որը որոշվում է ուսուցչի և աշակերտի գործողությունների համակարգը (օր՝ աշխարհագրական պատկերացման ձևավորում), միջոցները, որոնց օգնությամբ իրագործվում է նպատակը (օր՝ սահիկաշարի պատրաստում, նկարների ցուցադրում), և օբյեկտը, որին ուղղված է գործողությունների համակարգը (օր՝ գիտելիք լեռնաշղթայի վերաբերյալ): Ուսուցման մեթոդի ձևակերպման մեջ առանձնացվում է երկու կողմ՝ արտաքին (օբյեկտային) և ներքին (սուբյեկտային): Արտաքին կողմը (օբյեկտային ասպեկտ) արտահայտվում է ուսուցչի գործողություններում, երբ նա ընտրում է գիտելիքի ձևաբանման աղբյուրը, որով պետք է կազմակերպի աշակերտների աշխատանքը, որն արտահայտվում է մեթոդների և ուսումնական նյութի բովանդակության կապի մեջ: Օրինակ՝ եթե ուսուցիչը նյութը շարադրում է բանավոր, ապա սովորողների համար գիտելիքների աղբյուրը նրա խոսքն է, իսկ խոսքի արտահայտման ձևը՝ պատմում, զրույց, դասախոսություն և այլն, մեթոդի արտաքին կողմն է: Ներքին կողմը (սուբյեկտային ասպեկտ) աշակերտների կողմից ուսումնական տեղեկության մտավոր վերլուծությունն է, գիտելիքի

տրամաբանական կառուցվածքի գիտակցումն ու իմաստավորումը: Այս գործունեությունը դիտարկելի չէ, քանի որ կատարվում է մտավոր գործողությունների միջոցով: Ուսուցիչը այդ մասին տեղեկանում է միայն արդյունքների ստուգման պահին: Սուբյեկտային ասպեկտը մեծապես կախված է աշակերտի պատրաստվածությունից, ուսուցչի մասնագիտական վարպետությունից ու անձնային որակներից:²

² «Մխիթար Գոշ» գիտամեթոդական հոդվածներ 2019 N 2 էջ 108

Գլուխ 2

2.1 Աշխարհագրության ուսուցման մեթոդների դասակարգումը

Դիդակտիկայում տարբերակում են մեթոդների երեք խոշոր խմբեր՝

1.1. աշակերտների ուսումնական գործունեության խթանման մեթոդներ


1.2. ուսումնախմբական գործունեության կազմակերպման մեթոդներ

1.3. Ուսումնախմբական գործունեության արդյունքների վերահսկման մեթոդներ:

Աշխարհագրության ուսուցման մեթոդիկայում գոյություն ունի և կիրառվում է ուսուցման մեթոդների երկու դասակարգում՝

2.1. ըստ գիտելիքի ստացման աղբյուրի

2.2. ըստ սովորողների իմացական գործունեության բնույթի, որը պայմանավորված է գիտելիքի յուրացման տարբեր մակարդակներով:



1. Պատմում, բացատրություն, նկարագրում, դասախոսություն, հարցում, բարձրաձայն ընթերցում, վիճակագրական տվյալների ուսումնասիրում

2. Ձրույց, աշխատանք դասագրքի հարցերի և առաջադրանքների հետ

3. Գրավոր պատասխաններ՝ թեստերի, աղյուսակների լրացում, նկարների մակագրում

4. Աշխարհագրական դիտումներ, նկարների ցուցադրում, ուսուցողական ֆիլմերի դիտում, հավաքածուների, մոդուլների ցուցադրում

5. Փորձեր, գործնական աշխատանքներ տեղանքում, ինքնուրույն աշխատանքներ, ուրվագծային քարտեզի լրացում, վիճակագրական տվյալների վերլուծություն

2.2 Աշխարհագրության ուսուցման խոսքային մեթոդները:

Աշխարհագրության ուսուցման մեթոդներից՝ ըստ գիտելիքի ստացման աղբյուրի առավել կարևորվում է խոսքային մեթոդը: Խոսքային մեթոդը ուսուցչի և աշակերտի փոխկապակցված գործնեության համակարգված եղանակ է, որն իրականացվում է խոսքի միջոցով: Գոյություն ունեն բանավոր և գրավոր խոսքային մեթոդներ: Խոսքային մեթոդների զարգացման գլխավոր հիմնական ուղղությունը դրանց ներուժի առավելագույն օգտագործումն է սովորողների մտավոր գործնեության կազմակերպման համար: Դրան հասնելու համար անհրաժեշտ է աշակերտներին սովորեցնել տրամաբանական գործողությունների եղանակներին՝ վերլուծություն, համադրում, համեմատում, համակարգում, ընդհանրացում: Խոսքային մեթոդներն անհրաժեշտ են որպեսզի աշակերտների մոտ ձևավորվեն հետևյալ կարողությունները՝ կատարել դատողություն, արտահայտել սեփական միտքը, պատմել դիտարկված երևույթների մասին, կիսվել տպավորություններով և այլն:

2.3 Աշխարհագրության ուսուցման դիտագննական մեթոդները:

Դիտագննական մեթոդը ուսուցչի և աշակերտի փոխկապակցված գործնեության համակարգված եղանակ է, որն իրականացվում է ցուցադրության միջոցով:

Դիտագննական մեթոդներում գիտելիքների աղբյուրներն են հանդիսանում տարբեր ուսումնական պարագաներ:

Դիտագննական մեթոդների շարքին են պատկանում ուսումնական նկարների, ցուցադրական աղյուսակների, էկրանային պարագաների, ուսուցողական կամ մանկավարժական նկարների, քարտեզների և մոդելների կիրառման մեթոդները:³ Դիտագննական մեթոդների հիմնական գործառույթը ուսումնասիրվող օբյեկտի կամ երևույթի պատկերավոր կերպարի ստեղծումն է գիտակցության մեջ, աշխարհագրական օբյեկտների վերաբերյալ պատկերացումների ձևավորումը: Աշխարհագրության ուսուցման գործընթացում դիտագննական մեթոդները առավել կարևոր են, քանզի հիմնված են զգայական իմացության վրա, իսկ զգայական իմացությունը ժամանակային

³ Գիտական Տեղեկագիր Գյումրի 2019 N 1ՊԸԱԿ Բ էջ 58

առումով նախորդում է ռացիոնալ իմացությանը: Տվյալ դեպքում դիտագնական մեթոդները հենք են հանդիսանում խոսքային մեթոդների համար:

2.4 Աշխարհագրության ուսուցման գործնական մեթոդները: Գործնական աշխատանքներ:

Այս մեթոդներում գիտելիքների ստացման գլխավոր աղբյուր են հանդիսանում աշխարհագրական իրականությունը ու նրա մոդելները (քարտեզներ, պրոֆիլներ, գրաֆիկներ, մանրակերտեր և այլն): Ուսուցիչը ձևակերպում է խնդիրը ու կազմակերպում աշակերտի գործունեությունը, որն ուղղված է քարտեզի, նկարի, օբյեկտի հետ նախատեսվող աշխատանքի եղանակների յուրացմանը (օր.՝ ծանոթացնել քարտեզին, որից հետո որոշել ռելիեֆի ձևերը՝ ըստ գունային ֆոնի):

Գործնական մեթոդների էությունն այն է, որ ուսուցչի օգնությամբ աշակերտները սովորեն ձեռք բերել նոր գիտելիք ուսուցման միջոցներից (քարտեզից, ֆիլմերից, տեսասահիկներից):

Գործնական մեթոդների շարքին են պատկանում օբյեկտների ու երևույթների դիտարկումը բնության մեջ, արտադրական և ոչ արտադրական ոլորտի ձեռնարկություններում:

Գործնական մեթոդների իրացման հարցում մեծ դեր ունեն գործնական աշխատանքները:

Ուսուցողական գործնական աշխատանքները կատարվում են ուսուցչի ղեկավարությամբ:

Ուսուցիչը բացատրում է գործողությունների հերթականությունը, ցույց է տալիս կատարման օրինակը և հանձնարարում առաջադրանքը, որը ենթադրում է գործողության վերարտադրումն ու մտապահումը (Օր.՝ աշխարհագրական կորդինատների, աշխարհագրական լայնությունների որոշում)

Վարժեցնող գործնական աշխատանքները ուղղված են կարողության ամրապնդմանն ու կատարելագործմանը, ինչը կհանգեցնի հմտության ձևավորմանը, այսինքն գործողության ավտոմատացմանը:

Ամփոփիչ գործնական աշխատանքները ուղղված են կարողությունների ու հմտությունների յուրացման որակի ստուգմանն ու դրանց կիրառմանը նոր պայմաններում (օր.՝ գտնել A և B կորդինատները քարտեզի վրա, որոշել և չափել դրանց միջև եղած հեռավորությունը):

Գործնական աշխատանքների կիրառումը համարվում է արդյունավետ, երբ սովորողները տիրապետում են ժամանակակից այնպիսի մեթոդների, հնարների, որոնք ընկած են

աշխարհագրական կարողությունների ու հմտությունների հիմքում:

2.5 ԱՇԽԱՐՀԱԳՐՈՒԹՅԱՆ ՈւՍՈՒՑՄԱՆ ՄԵԹՈԴՆԵՐԸ՝ ԸՍՏ

ԴՊՐՈՑԱԿԱՆՆԵՐԻ ԻՄԱՑԱԿԱՆ ԳՈՐԾՈՒՆԵՈՒԹՅԱՆ ԲՆՈՒՅԹԻ

Աշխարհագրության ուսուցման մեթոդներից յուրաքանչյուրն ակտիվացնում են աշակերտի մտավոր գործունեության տարբեր տեսակները: Մեթոդներից որևէ մեկի բացակայության դեպքում ուսումնադաստիարակչական գործընթացը կդառնա թերի իրականացված: Ուսուցման մեթոդները սերտ կապված են աշխարհագրության բովանդակության, խնդիրների, նպատակի հետ և փոփոխվում են ժամանակի ընթացքում:

Ուսուցման մեթոդները կիրառելիս հաշվի է առնվում աշակերտների իմացական գործունեության բնույթը տարբեր տարիքային խմբերում:

Աշխարհագրության ուսուցման մեթոդիկայում, մեթոդները միավորվում են երկու մեծ խմբերում՝

1. Բացատրացուցադրական մեթոդների խումբ
2. Ստեղծագործական մեթոդների խումբ

Բացատրացուցադրական մեթոդը գիտելիքների փոխանցման ամենադյուրին մեթոդն է: Այս մեթոդի օգնությամբ ուսուցիչը ձևավորում է սովորողների գիտելիքների հիմնական պաշարը, որի հիմքի վրա հետագայում կազմակերպվում են ինքնուրույն աշխատանքները: Ուսուցիչը փոխանցում է գիտելիքը, սովորողները յուրացնում են տեղեկությունը՝ լսում են, կարդում են, դիտում են, մտապահում են, որից հետո պարզ վերարտադրում են ընկալվածը: Բացատրացուցադրական մեթոդը կիրառվում է ոչ միայն տեսական գիտելիքի փոխանցման նպատակով, այլև նրա միջոցով ձևավորվում են աշխարհագրության ուսուցման մեջ կիրառվող բազմաթիվ հնարներ՝ քարտեզի ընթերցում, գծակարգի վերլուծում, աշխարհագրական նկարագրության և բնութագրի կազմում և այլն:

Նոր ժամանակներում աշխարհագրության ուսուցման ընթացքում աշակերտների իմացական հետաքրքրասիրության զարգացման նպատակով ակտիվորեն սկսվեց կիրառության մեջ դրվել պրոբլեմային ուսուցման մեթոդը, որի ուսումնասիրմամբ զբաղվել

է Մ.Ի. Մախմուտովը: Պրոբլեմային ուսուցումը առանձնահատուկ տեղ է զբաղեցնում դպրոցական կրթության մեջ և ներառում է մի շարք մեթոդներ՝ պրոբլեմային շարադրանքի, մասնակի-որոնողական և հետազոտական:⁴

Ստորև ներկայացնենք վերոհիշյալ պրոբլեմային մեթոդները՝

Պրոբլեմային շարադրանքի մեթոդ: Նպատակն է ցույց տալ աշակերտին իմացության բարդությունը և դրա պարզաբանման ճիշտ ուղին, ապացուցողական լուծման նմուշը:

Մասնակի-որոնողական մեթոդ: Նպատակն է աստիճանաբար մոտեցնել սովորողին ստեղծագործական աշխատանքին:

Հետազոտական մեթոդ: Այս մեթոդը հնարավորություն է տալիս աշակերտներին ինքնուրույն ուսումնասիրել իրենց համար լիովին նոր նյութը:

2.6 ԱՇԽԱՐՀԱԳՐՈՒԹՅԱՆ ՈՒՍՈՒՑՄԱՆ ՄԵԹՈԴՆԵՐԻ ԸՆՏՐՈՒԹՅՈՒՆԸ

Մեթոդի ընտրությունը կախված է ուսումնասիրվող երևույթի

էությունից, բնույթից, խնդիրներից, նպատակից, սովորողի իմացական

պահանջմունքից, տեխնիկական հնարավորություններից: Յուրաքանչյուր մեթոդ ընտրելիս պետք է հաշվի առնել ուսուցնվող նյութի բովանդակությունը: Աշխարհագրության մեջ կան բազմաբնույթ հասկացություններ, որոնք չեն կարող ձևավորվել նույն մեթոդներով, դրանցից յուրաքանչյուրը պահանջում է ձևավորման ուրույն մեթոդական մոտեցում:

Առանձնացվում են աշխարհագրական բովանդակության գիտելիքների որոշակի խմբեր՝

- աշխարհագրական օբյեկտների կամ երևույթների արտաքին տեսքի մասին՝ սարահարթ, հարթավայր, պասսատներ և այլն:
- տարածության մեջ աշխարհագրական օբյեկտների տեղաբաշխման մասին՝ մակրո, միկրո, մեզո:
- հատկությունների վերաբերյալ՝ ջերմակայունություն, ինտենսիվություն, խոնավություն
- երևույթների մասին՝ ցիկլոններ, փոթորիկներ, սողանքներ և այլն,
- աշխարհագրական օբյեկտի կառուցվածքի մասին՝ երկրակեղևի կառուցվածքը
- աշխարհագրական օբյեկտների միջև եղած կապերի մասին՝ հարթավայրներ-

⁴ Սարգսյան Խ. Բ «Աշխարհագրության դասավանդման մեթոդիկա» Զանգակ-97, Երևան 2002թ.

հրաբուխ, գետաբերան-կլիմա :

Եզրակացություն

Նորագույն և հետաքրքիր մանկավարժական մեթոդների կիրառմամբ պետք է հասնել նրան, որ աշակերտների մոտ առաջանա նախ սովորելու, արդյունքի հասնելու, ապա հոգատարություն մշակութային արժեքների նկատմամբ: Բաց դասերի արդյունքում աշակերտները լրացուցիչ գիտելիքներ են ստանում նաև այլ առարկաներից, օրինակ՝ հայրենագիտությունից: Աշխարհագրության ուսուցման մեթոդներից յուրաքանչյուրն ակտիվացնում են աշակերտի մտավոր գործունեության տարբեր տեսակները:

Մեթոդներից որևէ մեկի բացառումը ուսումնադաստիարակչական գործընթացի անպայմանորեն կհանգեցնի նրա նպատակների և խնդիրների թերի իրականացմանը:

Մի շարք մեթոդների, այդ թվում նաև զննական մեթոդների կիրառմամբ նոր նյութի յուրացման ընթացքում սովորեցնում են աշակերտներին ակտիվացնել, կենտրոնացնել, ընտրել, կիրառել սովորածը: Դրանք օգնում են աշակերտներին հասկանալ, հիշել և կիրառել հիմնական տեղեկություններն ու գաղափարները: Ուսուցիչները հաջողված դասեր են ունենում այն դեպքում, երբ հստակ պատկերացնում են այն կարելիոր տեղեկատվությունը, հասկացություններն ու ունակությունները, որոնք անհրաժեշտ է զարգացնել աշակերտի մեջ՝ յուրաքանչյուր դասի ուսումնասիրման ժամանակ: Ուստի ուսուցիչները պետք է պարզեն այն ամենակարևոր, անհրաժեշտ գաղափարները, սկզբունքներն ու ունակությունները, որոնք հարկավոր է մտապահել: Նրանք ամենայն մանրամասնությամբ պետք է կառուցեն այնպիսի դասեր, որոնք նպաստելու են յուրացմանը եվ օգնելու են սովորողներին՝ դրանք դարձնել իրենց սեփականությունը:

Գրականության ցանկ

1. Խաչատրյան Ս.Գ.«Ուսուցման ժամանակակից մեթոդների կիրառումը»
2. Մինասյան Ա., «Աշխարհագրության ուսուցման մեթոդիկա» ուսումնական ձեռնարկ, Երևան, 2013 թ.
3. Սարգսյան Խ. Բ., Աշխարհագրության դասավանդման մեթոդիկա, «Չանգակ-97», Երևան, 2002 թ.
4. Петрова Е., Теория и методика обучения географии, Томск. 2010 г.
5. Ս. Սուքիասյան «Մանկավարժական տեխնալոգիաների դերն ուսուցման գործնառնում» Երևան ԵՊՀ հրատարակչություն 2016թ.
6. Սարգսյան Խ.« Աշխարհագրության դասավանդման մեթոդիկա»

ՀԱՎԵԼՎԱԾ 1 ՕՐՎԱ ԴԱՄԻ ՊԼԱՆ

| | |
|----------------------------------|---|
| Դասարան | 7-րդ |
| Ուսուցիչ (ուհի) | Շուշանիկ Մուրադյան |
| Առարկա | Աշխարհագրություն |
| Թեման (օրվա կամ շաբաթվա) | Արդյունաբերության ճյուղերը: |
| Հետազոտական միավորի թեման | Վառելիքաէներգետիկ արդյունաբերություն |
| Հիմնական հասկացություն | Արդյունաբերություն, վառելիքաէներգետիկ արդյունաբերություն, ջեկ, աեկ, ջրեկ, ածխարդյունաբերություն, նավթարդյունաբերություն, գազարդյունաբերություն: |
| Միջառարկայական կապերը թեմայում | <u>Հայոց լեզու-Ընթերցի և ընկալի դասանյութը և թեմային առնչվող այլ տեքստերի նյութերը:</u> <u>Բնագիտություն, կենսաբանություն-Ընթերցի և վերլուծի արդյունաբերության ճյուղային կառուցվածքը:</u> |
| Ընդհանրական խաչվող հասկացություն | Օրինաչափություն, քարտեզ և մաշտաբ, կայունություն և փոփոխություն |
| Նպատակ | .Իմանա ինչ է արդյունաբերությունը .Իմանա արդյունաբերության ճյուղային կառուցվածքը : .Իմանա արդյունաբերության զարգացման փուլերը: |
| Ակնկալվող վերջնարդյունքներ | <u>.Կարողանա վերլուծել և քարտեզի վրա ցույց տալ արդյունահանման ու սպառման շրջանները:</u> <u>.Գնահատի հանրային ռեսուրսների դերը մարդկության կյանքում: Առաջարկություններ կատարի առկա հանրային հումքի և վառելիքաէներգետիկ հիմնախնդրի լուծման</u> |

| | | |
|---|---------|---|
| | | <u>համար :</u> |
| Անհրաժեշտ նյութեր | | գրքեր, տետրեր, գրիչներ, աշխարհի քաղաքական քարտեզ: |
| Կիրառվող մեթոդներ | | զրույց, մտազրոհ, հարց ու պատասխան, խմբային աշխատանք, ապագայի անիվ, T -աձև աղյուսակ: |
| Դասի տիպը | | Համակցված |
| Ժամանակ- դասի տևողություն -45րոպե | | ԽԻԿ համակարգ |
| Խթանում | 10րոպե | 1. Կազմակերպչական մաս՝ Տնային առաջադրանքների ստուգում, մատյանի լրացում : 2. Հետաքրքրություն առաջացնել սովորողների մեջ /խթանիչ հարցեր/ ա. Ինչ ենք հասկանում արդյունաբերություն ասելով: |
| Իմաստի ընկալում | 25 րոպե | Աշակերտները վերհիշեն արդյունաբերության ճյուղային կառուցվածքը և քարտեզագրեն գրատախտակին: Փորձեն պատճառահետևանքային կապ գտնել վառելիքաէներգետիկ արդյունաբերության հիմնախնդրի առաջացման ուղղությամբ և առաջարկեն լուծման ուղիներ: |
| Կշռադասում / Ամփոփում, անդրադարձ/ Տնային աշխատանք ----- | 10 րոպե | Ամփոփել թեման: Հանձնարարել տնային առաջադրանք՝ Պատմել դասը, առ.՝ լուծել հետևյալ խնդիրը. Որքա՞ն է 3 մլն տ նավթի համարժեք պայմանական վառելիքի քանակը, եթե նավթի ջերմային գործակիցը 1,5 է: |

